



# HOËRSKOOL JAN VAN RIEBEECK

## Jaareinde 2009

Ek wil graag met die woorde van Ralph Emmerson hierdie jaar afsluit: "Die beloning vir iets wat jy goed gedoen het, is dat jy dit gedoen het." Met al die prestasies wat ons vanjaar behaal het, is die blywendste prestasie die oorwinning oor onself. Wie dit eenmaal gesmaak het, sal selde 'n nederlaag ly. In nederige dankbaarheid gee ons alle eer aan ons Hemelse Vader vir nog 'n jaar van voorspoed. Dit was weereens vanjaar 'n besondere voorreg om geassosieerd te wees met 'n unieke groep ouers, ondersteuners, onderwysers en leerlinge van die Hoërskool Jan van Riebeeck.

### Belangrike datums:

1	2009 Oes-af en rapport uitdeling	08.12.2009	18:00
2	Matriekuitslae	07.01.2010	12:00
3	Skoolhoof en administratiewe personeel op kantoor	06.01.2010	09:00
4	Boeke- en klerewinkel open Klerewinkel / Boekeverkoop Nie-departementele leenboeke	06.01.2010	08:00 – 14:00
5	Kabinet en H.K.'s vergader	07.01.2010	08:00
6	Graad 8-oriëntering	08.01.2010	09:00
7	Skole heropen vir onderwysers	11.01.2010	
		Personeelontbyt Matriekuitslae Personeelvergadering	08:30 – 09:30 09:30 – 10:00 10:30 – 14:00
8.	Skole heropen vir leerlinge	12.01.2010	
		Personeelvergadering Akademiese voorbereiding	08:00 – 12:00 12:00 – 14:00
9	Skeepsvergaderings	13.01.2010	
		Saalbyeenkoms Klasindeling en lysing Roosters / boekkontrole Akademiese Registrasies	08:00 – 09:00 09:30 – 10:30 10:30 – 11:30 12:00 – 14:00
		14.01.2010	08:00 – 10:00
		14.01.2010	12:00 – 14:00
10	Ko-Kurrikulêre Registrasies	15.01.2010	Dag 1 - 3
11	Roostertoets Gr. 9 - 12		
12	Graad 12-kamp	20.01.2010 - 22.01.2010	14:00

*Raadpleeg owerhandleiding-kalender vir verdere datums*

**Boeke- en Klerewinkel:** Die klere- en boekewinkel is vanaf 06 Januarie 2010 (08:00 – 16:00) tot Dinsdag 12 Januarie 2010 oop. Alle aankope is streng kontant. Die skool verwag van sy leerlinge om alle boeke en skooldrag voor Vrydag, 15 Januarie 2010 aan te koop. Die klerewinkel verkoop slegs unieke Jan van Riebeeck-skooldrag, algemene items moet by klerewinkels van u keuse gekoop word. Raadpleeg asseblief u owerhandleiding vir korrekte aankope. Die skool ontvang ook graag skenkings waar mee ons meer behoeftige leerlinge kan help, hierdie is 'n gulde geleentheid om ander te bemagtig.

**Foioe betaalbaar:** Tydens die begrotingsgoedkeuringsvergadering van 19 November 2009 het die ouers van die Hoërskool Jan van Riebeeck die 2010 begroting en regulasies goedgekeur. Ouers moet asseblief kennis neem van die volgende belangrike begrotingsinhoud:

### 1. Skoolfoioe

- R11 880 jaarlikse vooruitbetaling betaalbaar voor 31 Januarie 2010
- R3 300 kwartaalike betaling, betaalbaar op die eerste dag van elke kwartaal
- R1 200 maandelikse debietor der oor 11 maande (1 Februarie 2010 – 1 Desember 2010)

## 2. Koshuisfooië:

- R15 000 jaarliks voor uitbetaalbaar voor 31 Januarie 2010
- R3 750 kwartaalike betaling, betaalbaar op die eerste dag van elke kwartaal

## 3. Gasvryheidstudiefooië:

- R1 440 jaarliks voor uitbetaalbaar voor 31 Januarie 2010
- R360 kwartaalike betaling, betaalbaar op die eerste dag van elke kwartaal
- R120 maandelike debietorder oor 11 maande (1 Februarie 2010 – 1 Desember 2010)

## 4. Busfooië:

Elwierda.com: R5 800 per jaar / R1 450 per kwartaal (By die skool betaalbaar)

Jacobs: R4 800 per jaar / R1 200 per kwartaal (By die skool betaalbaar)

H.G. Travelling: R5 800 per jaar / R1 450 per kwartaal (Direk aan die kontrakteur betaalbaar)

<p><b>ELWIERDA.COM</b> (Westelike voorstede) Posbus 8338 ROGGEBAAI 8012 <b>Kantoor: 086001094</b></p>	<p><b>H.G. TRAVELLING</b> (Suidelike voorstede) Fantasieweg 11 WETTON 7780 <b>Kantoor: 021 797-8412</b></p>	<p><b>CHARTA CHARTER SERVICES</b> (Vredenburg) Petrelsingel 3, Robinvale ATLANTIS 7349 <b>Kantoor: 021 553-4419</b> Me. Adèle v.d. Merwe 0845534414 Busbestuurder: Charles 0783727070</p>
---	---	---

## 5. Kwytskelding van skoolfooië:

Wanneer die gesamentlike bruto-inkomste van 'n huishouding minder as 10 x die jaarlikse skoolfooië (R132 000.00 p.j.) is, kan die ouer aansoek doen om gedeeltelike kwytskelding van skoolfooië. Kwytskeldings word egter nie outomaties toegestaan nie, ouers moet aansoek doen om kwytskelding. Aansoek om kwytskelding sluit op 15 Januarie 2010 en is slegs van toepassing op skoolfooië. Indien u nie op u herraegistrasievorm aansoek gedoen het om kwytskelding nie, moet u aansoek doen op die aangehegte vorm. U gesamentlike bruto-inkomste moet beëdig word deur 'n kommissaris van ede.

## 6. Departementele handboekverhuring:

'n Basiese huurtarief van R20.00 per handboek word gehef om handboeke te herstel en/of die kostes verbonde aan tekorte te verhaal. Hierdie verhuringkoste sal saam met die eerste kwartaal van 2010 se skoolfooië gehef word.

## 7. Agterstallige fooië:

Alle agterstallige fooië sal met voorafkennigewing aan die ouers, aan die skool se prokureurs op 11 Desember 2009 oorhandig word vir invordering. Ouers is verantwoordelik vir regheskostes voortspruitend uit oorhandigings. Alle invorderings deur die prokureurs word direk aan hulle betaal en nie by die skool inbetaal nie.

## 8. Direkte inbetalings en debietorders:

Betaling van skool-, koshuis- en vakfooië moet verkieslik op debietorders gedoen word vir u gerief en beter kontrole deur die skool. Alle fooië moet gesamentlik op een debietorder betaal word. In hoogs uitsonderlike gevalle word direkte elektroniese inbetalings toegelaat mits die inbetaling duidelik omskryf word (bv. J. Spies/skoolfooië) en per faks aan die skool bevestig word.

**Direkte inbetaling by:** A BSA, A dderleystraat / Tjekrekeningnummer: 036 0420035 / Takkode: 632005

## Selfone: Soos by alle skole ondervind ons skool ook geweldige probleme rakende selfone.

- Selfone word misplaas of word gesteel.
- Leerlinge gebruik selfone gedurende akademiese lesure.
- Leerlinge neem selfone in eksamenlokaal in wat aanleiding gee tot oneerlikheid.
- Leerlinge ontvang en stuur onbehoorlike boodskappe gedurende die skooldag.

Die skool wil net weereens die beleid rondom selfone duidelik aan ouers en leerlinge stel.

- Selfone moet in die binnesak van die skoolbaadjie wat met 'n ritssluiters deeglik toe maak, gehou word. Selfone in sportsakke mag nooit onbewaak gelaat word nie en liefs tydens ko-kurrikulêre lesure in 'n lokaal toegesluit wees.
- Selfone moet afgeskakel wees gedurende akademiese ure (08:00 - 14:15). Geen selfoonoproep of boodskappe word tydens die volle akademiese dag toegelaat nie.
- Leerlinge moet asseblief nie selfoonoproep maak in die publiek nie, sodanige optrede is 'n ope uitnodiging aan misdadigers.
- Geen selfone word toegelaat in eksamenruimtes nie. Selfone moet in- en uitgeteken word by toësigpersoneel.
- Hoërskool Jan van Riebeeck kan nie verantwoordelik gehou word vir selfone wat weggraak of gesteel word nie.
- Enige oortreding van bogenoemde reëls rakende selfone sal daartoe lei dat selfone afgeneem word en kan aan die einde van die akademiese dag by die skoolhoof opgeëis word.

### **Addisionele vakke Gr.10-12**

**Agste vakke** Hoërskool Jan van Riebeeck fasiliteer eksamens en registrasies vir Musiek, Frans en Duits. Hierdie vakke word as addisionele vakke op Maandae tot Donderdae in die utiliteitslesure en tussen 14:00 - 15:00 onderrig deur dosente wat nie op die betaalstaat van die Hoërskool Jan van Riebeeck is nie. Ouers is verantwoordelik om hierdie dosente volgens geslote kontrak self te besoldig. Addisionele vakke moet by die skool geregistreer word sodat uitslae van hierdie vakke op rapporte kan verskyn.

**Appel teen bevorderingsbesluit** In gevalle waar ouers wil appelleer teen 'n bevorderingsbesluit van die Hoërskool Jan van Riebeeck en die Wes-Kaapse Onderwysdepartement waarvolgens 'n spesifieke leerling sy/haar akademiese jaar moet herhaal, moet dit skriftelik voor 8 Desember 2010 doen. Die skoolhoof sal op appèlle reageer binne 5 werksdae van ontvangs van die appèl. Ouers kan eers binne 5 werksdae na die OBOS appèlleer radat u appèl nie by die skoolhoof geslaag het nie. Die uitspraak van die direkteur van die OBOS is finaal.

**Nuwe inskrywings (Gr. 8 - 11)** Alle skole in Suid-Afrika is verplig om leerlinge te registreer op 'n data-basis van die Nasionale Onderwysdepartement. Geen registrasie is egter moontlik sonder 'n gekodeerde oorspronklike oorplasingvorm van die vorige skool nie. Nuwelinge moet met die eerste skooldag sodanige oorplasingvorm inhandig ten einde te registreer by die Hoërskool Jan van Riebeeck, geen registrasie sal plaasvind sonder die oorspronklike oorplasingvorm nie.

### **Koshuisinname 2010:**

**Gr. 8 leerlinge:** Aan die einde van die Graad 8-kamp op 10 Januarie 2010 word graad 8-leerlinge toegelaat om huis toe te gaan, maar kan ook aanbly in die koshuis tot die algemene registrasie by die onderskeie koshuise vir al die leerlinge op 12 Januarie 2010 vanaf 14:00. Beide koshuise bied 'n verwelkoming vir ouers aan op 12 Januarie 2010 tussen 14:00 en 18:00.

**Gr. 9 - 12-leerlinge:** Koshuisregistrasie vind op 12 Januarie 2010 tussen 14:00 en 18:00 plaas. Slegs leerlinge wie vooraf aansoek gedoen het en alle rekeninge in 2009 vereffen het, mag registreer.

**Artikel 18A Belastingtoegewings** Die belastingwet van Suid-Afrika maak voorsiening om tot 3% van u totale inkomste in die belastingjaar (2009/2010) af te skryf met 'n donasie aan die Hoërskool Jan van Riebeeck. Met sodanige donasie ontvang u 'n Artikel 18A-kwitansie wat u insluit by u belastingopgawe. Hierdie is die enigste manier waarop u seggenskap het oor u belasbare inkomste en die skool daarby baat deur fondse te bekom om broodnodige ontwikkeling van fasiliteite tot voordeel van u kind te doen. Voltooi asseblief die aangehegte Artikel 18A aansoekvorm en besorg dit met u donasie aan Hoërskool Jan van Riebeeck voor 28 Februarie 2010. Die skool sal onmiddellik re ontvangs van u donasie u artikel 18A-kwitansie uitreik.

ARTIKEL 18A DONASIE				
<b>Volle name en van</b>				
<b>Identiteitsnommer</b>				
<b>Belastingnommer</b>				
<b>Volledige posadres</b>			<b>Huisadres</b>	
<b>Landy nno:</b>		<b>Selnommer</b>		<b>E-pos adres</b>

Die uwe

**HAMMIES VAN NIEKERK: SKOOLHOOF**



---

---

Die Hoërskool Jan van Riebeeck wens  
u 'n geseënde Kersfees en 'n baie  
voorspoedige Nuwejaar toe.

